



Vol. 6 (神方下)

No Known Copyright

Princeton University Library reasonably believes that the Item is not restricted by copyright or related rights, but a conclusive determination could not be made.

You are free to use this Item in any way that is permitted by the copyright and related rights legislation that applies to your use.

Princeton University Library Disclaimer

Princeton University Library claims no copyright governing this digital resource. It is provided for free, on a non-commercial, open-access basis, for fair-use academic and research purposes only. Anyone who claims copyright over any part of these resources and feels that they should not be presented in this manner is invited to contact Princeton University Library, who will in turn consider such concerns and make every effort to respond appropriately. We request that users reproducing this resource cite it according the guidelines described at <http://rbcs.princeton.edu/policies/forms-citation>.

Citation Information

Vol. 6 (神方下)

Contact Information

Download Information


Date Rendered: 2019-09-10 11:53:51 PM UTC

Available Online at: <http://arks.princeton.edu/ark:/88435/ht24wp78w>

6.

TC83/1848

v. 6



文蛤散

治目弦腫大小背成赤瘡

五倍子一兩研末每服三錢水一盞煎八分先洗後以筋頭點之

一醉膏

治耳聾

麻黃一斤以水五升熬一升去渣熬膏每服一錢七分臨臥熱酒下有汗卽効

睡聖散

人難忍艾火灸痛服此卽昏睡不知痛亦不



傷人

山茄花

八月收

火麻花

八月收。按八月中火麻花已過時恐作七月為是

收此二花時必須端莊閉口齊手足採之若二人去或笑或言語服後亦即笑即言語矣採後共為末每服三錢小兒只一錢茶酒任下一服後即昏睡可灸五十壯醒後再服再灸

按山茄子今謂之風茄兒其花亦謂之曼陀羅花火麻即大麻今圃地所植之黃麻乃是此種本草綱目云曼陀羅花生北土南人亦有栽者春生夏長獨莖直上高四五尺生不旁引綠莖碧葉葉如茄葉八月開白花凡六瓣狀如牽牛花而大攢花中折駢葉外包朝開夜合結實圓而有丁拐中有小子八月采花九月采實花實氣味

薄荷散

治心肺壅熱頭目不清咽喉不利精神昏濁

小兒鬲熱

真薄荷

兩二

桔梗

兩三

防風

兩二

甘草

兩一

為末每服四錢燈心煎湯下

碧雲湯

扁鵲心書

神方

三

治風痰上攻頭目昏眩咽喉疼痛涎涕稠粘

荊芥穗二兩 牛蒡子一兩 真薄荷一兩

為末食後茶下三錢

丁香丸

治宿食不消時發頭疼腹痛

丁香 烏梅肉 青皮

肉桂 三稜炮各二兩 巴豆去油一兩

為末米糊丸黍米大白湯下七丸小兒三丸

潤腸散

治老人虛氣中風產後大便不通

枳實麩炒 青皮 陳皮各一兩

共為末每服四錢水一盞煎七分空心服

兔絲子丸

補腎氣壯陽道助精神輕腰腳

兔絲子一斤淘淨酒煮 附子製四兩

共為末酒糊丸梧子大酒下五十丸十日後強壯

石膏丸

治腎厥頭痛及腎虛咳嗽煩悶遺尿

石膏一兩 硫黃一兩 消石一兩 黃同研

天南星一兩用生薑一兩全搗

扁鹊心書

爲末麪糊丸梧子大食前米飲下五十丸日二次
宣風丸

治風濕脚氣走注上攻兩足拘急疼痛或偏身作痛

黑丑

取頭末二兩

青皮

一兩

胡椒

二十粒

全蝎

去頭足二十四枚

共爲末蜜丸梧子大食前白湯下五十丸或三十丸

五膈散

治肺傷寒誤服涼藥冰消肺氣胸膈膨脹嘔

吐酸水口中如含冰雪體倦減食或成冷勞胸中冷痰服此皆効

人參

黃芪

炙

白朮

麥冬

官桂

附子

炮

乾薑

炒

遠志

去心

台椒

北細辛

百部

去蘆

杏仁

各等分

共爲末水煎服四錢

撮氣散

治涼藥傷肺飲食不下胸膈飽悶吞酸氣逆久嗽不止

白朮

乾薑

各二兩

黃芪

蜜水拌炒

附子

川椒

杏仁各一兩

甘草五錢

共爲粗末水煎服四錢初服冷熱相搏覺煩悶欲吐少頃撮定肺氣自然下降矣

麥煎散

治幼年心絡爲暑所傷每至暑時卽畏熱困倦減食

知母

烏梅肉

地骨皮

柴胡

各二錢

大麥一撮

右剉片成一劑水煎溫服緩下

剪紅丸

治遠年近月腸澀下血

吳茱萸

去梗二兩

荊芥穗二兩

川烏一兩

右炒黃色共爲末醋糊丸梧子大每服五十九空心白湯下

分氣丸

治心腹痞悶疼痛兩脇氣脹痰涎上攻咽嗑不利能行氣化酒食

黑丑

半生半熟取頭末四兩

青皮炒

陳皮炒

乾薑

炮

肉桂各一兩

共爲末水法梧子大每服三十九空心薑湯下

鎮心湯

治心氣不足爲風邪鬼氣所乘狂言多悲夢中驚跳

人參

茯苓

石菖蒲

桑葉水拌炒

遠志

木香

丁香

各一錢

甘草

乾薑

各五錢

大棗

三枚

水煎空心服

遠志丸

治心氣不足多悲健忘精神昏默手顫脚搖多睡

遠志

人參

石菖蒲

茯苓

爲末蜜丸梧子大每服三十九丸酒棗湯任下

定痛丸

治奔豚上攻心腹腰背皆痛或疝氣連睪丸痛

木香

馬藹草

醋炒

茴香

川楝子

各一兩

共爲末每服四錢滾酒下連進二服其痛卽止

阿膠散

治肺虛咳嗽咯血

牙香

三兩

阿膠

一兩

蛤粉炒成珠

爲末每服三錢薑湯下日三次

定風散

治破傷風及洗頭牙槽等風牙關緊急項背強直角弓反張若一二日者服此可治五七日者難治須急灸臍下三百壯

川烏

炮二兩

防風

二兩

雄黃

一兩

共爲末每服四錢水煎和渣服日三次出汗愈

安蟲散

治蟲攻心痛吐清水如蟻蟲發則腹脹寸白蟲則心痛並治之

乾漆

炒至烟盡五錢

鶴虱

淨炒

雷丸

切炒各一兩

共爲末每服二錢小兒一錢米湯下

檳榔丸

治小便淋瀝不通及血淋石淋

檳榔

芍藥

苦楝子

炒

馬蘭花

各一兩

共爲末每服四錢酒煎熱服

換骨散

治癩風面上黑腫肌肉頑麻手足疼痛遍身生瘡先灸五藏俞穴後服此藥

烏蛇

去頭尾酒煮取肉

白花蛇

全上製法

石菖蒲

荊芥穗

蔓荊子

天麻

酒炒

胡首烏

小黑豆拌蒸晒

白楊樹皮

各二兩

甘草

炒

地骨皮

酒炒

枳殼

麩炒

杜仲

鹽水炒

當歸

酒炒

川芎

酒炒

牛膝

鹽水炒各一兩

共爲末每服二錢酒下

胡麻散

治癘風渾身頑麻或如針刺遍身疼痛手足

癱瘓

紫背浮萍

七月半采一斤

黑芝麻

炒四兩

薄荷

蘇州者佳二兩

牛蒡子

炒

甘草

炒各一兩

共爲末每服三錢茶酒任下日三服

消癭散

治氣癭多服取効血癭不治

全蝎

三十枚去頭足

猪羊靨

卽藤眼骨各三十枚炙枯

枯礬

錢五

共爲末蜜丸梧子大每服五十丸飴米糖拌吞或

茶任下

補宮丸

治女人子宮久冷經事不調致小腹連腰痛面黃肌瘦四肢無力減食發熱夜多盜汗下

赤白帶久服且能多子

當歸

酒炒

熟地

薑汁炒

肉蓯蓉

酒洗去膜

兔絲子

製法見前

牛膝

酒洗各二兩

肉桂

各一兩

沉香

華撥

去蒂炒

吳茱萸

去梗

肉果

各一兩

真血竭

艾葉

各五錢

共爲末醋糊丸梧子大每服五十丸或酒或白湯任下

膠艾湯

治婦人衝任虛損月水不調子宮久冷腰腹疼痛赤白帶下或惡露不止此藥能通經絡活死血生新血

阿膠

蛤粉炒成珠

艾葉

當歸

白芍

川芎

熟地

各二兩

甘草

乾薑

各五錢

共爲末每服四錢水煎和渣熱服戒怒氣一月地血散

治婦人心血間有熱飲食不減起居如常但發煩熱

茜草

當歸

白芍

烏梅

柴胡

知母

各一錢

每劑加薑三片水煎溫服

大青膏

治小兒吐瀉後成慢驚脾虛發搐或斑疹後

發搐

烏蛇去頭尾酒浸炙全蝎十枚去頭足

蜈蚣五條去頭足炙

鍾乳粉要真者火服研極細末水飛淨五錢

青黛

丁香 木香

川附子製各五錢

白附子麪包煨熟一兩

共為末蜜丸龍眼大每服一丸滾水下連進二服立差甚者灸中脘五十壯

碧霞散

治痰涎壅盛卒仆或發驚搐一切急症服此

吐痰

豬牙皂角炙去皮弦銅青另研大黃生用

金線重樓即金線釣蝦蟇製法見後各五錢

右為末每服一錢小兒三五分白湯灌下牙關緊者鼻中灌下吐痰立愈

萬靈膏

治小兒疳瘦腹脹水瀉多消

香附一兩青皮 川黃連 肉桂

巴豆去油砂仁 肉果各五錢

右為末醋糊丸黍米大每用三五七丸溫水下

育嬰丹

治小兒面黃肚大青筋作瀉及五疳諸積健

脾進食

上好白蠟一兩二錢入銚頓化傾入碗內七次 硃砂飛淨一錢心疳用之

赤石脂一錢火煨脾疳用之 青黛一錢心疳用之

寒水石一錢火煨肺疳用之 牡蠣一錢火煨腎疳用之

先將白蠟研碎後加各經引藥共研細末分作十貼每用雞蛋一枚開一小孔去黃留清入藥一貼攪勻紙封口或蒸或用火煨任意食之酒飯無忌抑青餅

治小兒驚風清膈化痰降熱火

防風 薄荷 桔梗各一兩

甘草炙 青黛淨各五錢 冰片四分

共為末蜜丸芡實大或捏作餅薑湯下

硃砂丸

治小兒膈熱消痰

半夏製 辰砂各五錢 杏仁三十粒去皮

共為末蒸餅丸梧子大每服十丸或五七丸食後薄荷湯下

醒脾丸

治久瘡不瘥

川烏

五兩薑汁浸去黑皮切片大蒜三兩煨去皮

共爲末醋糊丸梧子大每服二十丸米飲下小兒量減

奪命丹

治中風左癱右瘓半身不遂口眼喎斜言語

蹇澁

川烏

酒煮

蒼朮

米泔浸

各四兩共爲末酒糊丸梧子大空心服十五丸忌見風暖蒸出汗

脫衣散

治汗斑及紫白癩風

附子

硫黃

各五錢共爲末薑汁調以茄蒂蘸擦三四次全愈

百花散

治腿肚血風腫瘡小兒螻蛄癰或耳底出膿癰癰痔漏

川烏五兩擣爲末凡一切瘡毒以麻油調塗濕者乾糝○耳中出水吹入○牛馬六畜瘡皆可治○人家合醬入此末五錢不生蟲蛆

附金線重樓治證

金線重樓

俗名金線釣蝦蟆采得去外黑粗皮用石頭打碎勿見鐵器

曬乾爲末

小罐收貯凡一切要吐痰涎之證用代瓜蒂最妙

一治風痰結胸用一錢陰陽水和服吐去痰卽愈

一治傷食成瘡疾者用一錢臨發空心水和服一

吐卽愈

一治禁口痢疾涼水和服一錢吐痰卽愈

服金液丹各證引藥

虛勞白湯下或薑湯下

骨蒸潮熱地骨皮湯或炒胡黃連五分煎湯或丹皮

湯下

吐血茅根湯或藕節湯下

消渴烏梅湯或石膏湯下

肺脹真蘇子湯下

中滿陳皮湯或木香湯或薺菜湯下

水腫車前子湯或木通湯下

休息痢白者用臭椿根皮湯下紅者用雞冠花湯下

脾泄車前子炒焦煎湯下

注下水通湯下

大便閉芒消煎湯下

小便閉木通湯下

尿血山梔木通湯下或燈心竹葉湯下

霍亂霍香湯下

吐瀉生薑燈心湯下

尸厥薑湯下

氣厥真蘇子湯下

陰證附子湯下

陰毒黃芪湯或附子湯下

目中內障木賊菊花湯下

心下作痞枳實桔梗湯下

心胃痛延胡索湯或酒下

胃寒米穀不化乾薑麥芽湯下

兩脇急痛青皮湯下

肚腹痛甘草白芍湯下

臍腹痛麥芽湯下

小腹痛小茴香湯下

膀胱疝氣小茴橘核湯下

女人子宮虛冷薑湯下

赤帶地榆湯下

白帶檮白皮湯或白果炒煎酒下

小兒急驚風金銀花湯下

慢驚風人參湯下

一切疑難之證俱用薑湯下

昔人稱金液丹有起死回生之功真是救
危神劑然亦有戒人服者如蘇頌之本
草圖經寇宗奭之言其草衍義一言其
雖捷為患亦速一言其然余常而云世
而不知為禍蓋亦多矣然余常而云世
疑而不敢服者多矣然余常而云世
時皆荒耽于色至五十外皆患虛損
附洩若人不知有勸飭疏黃者二人
有効一人不能節慾閱五六年竟以
而頹一入能止慾至八十餘始卒此
親擊者也夫藥以治疾有是疾必得
而後愈許叔微所謂形有寒邪雖嬰
可服金液藏有熱毒雖羸老亦可服
至哉通變之說理不妄也但中病則
久

服或致偏勝之患凡藥皆如是豈特金液
丹哉其或服之終身反致壽考此其稟
特異餘人非可槩論若夫元氣未衰
先耗此藥實非所宜更或漁色之徒
夕餌單方以此為治疾之良劑而此
欲之金液丹之不可餌然則鑒人之
并議酒漿菽麥之不宜餐豈理也哉
并疑冊中所載服硫黃而受盜者採
附錄于後以示來者夷堅志云唐與
知醫遇人後有奇疾多意治之從舅
檢病不得前通利小腸諸藥窮技巧
其姪係來問與常日服何藥曰常服
母問何人結砂曰自為之唐酒然積
懸結砂時結砂不死硫黃飛去砂入
膀胱則偏重故猶可洩立則正塞水
故不能通乃取金液丹三百粒分爲
煎服麥湯下之膀胱所積之砂得硫
黃皆

化成灰自水道下猶累累如細砂病遂愈
 類編云仁和縣一吏早衰病瘠齒落從
 貨藥道人得一方煖生硫黃為細末入猪
 臘中水煮熟爛入蒸餅丸如梧子大隨意
 服之兩月後飲啖倍常步履輕捷年踰九
 十累無老態執役如初因從邑宰入村醉
 食牛血遂洞下數十行所泄如金水頓覺
 奄悴少日而死李巨源得其事于臨安入
 宮醫官管範嘗與王樞使言之王曰嘗聞
 猪肪脂能制硫黃茲用猪臘尤為得理樞
 使亦合服之北亦見效本本草通元云壬
 子秋余應試北雍有孝廉張抱赤久荒于
 色腹滿如斗以參湯吞金匱丸小便秘利
 滿亦差減闕旬日而滿復如故肢體厥逆
 仍投前藥竟無裨也與家哀亂惟治終事
 抱赤泣告曰若可救我當終身父事之余
 曰能餌金液丹數十粒雖不敢謂萬全或
 有生理抱赤連服百粒小便通利滿消食
 進更以補中八味並用遂獲痊安故夫藥
 中肯綮如鼓應桴世之病是證而不得援

者眾矣有如抱赤之傾信者幾人哉且硫
 非治滿之劑特以元陽將絕參附無功藉
 其純陽之精令陰寒
 之滯見現冰消爾

神治諸般風氣靈膏

紅砒一斤入罐化汁用金頭蜈蚣全蝎末投砒內以
 砒不起烟為度又以砒用槐角子一斗煮三晝夜
 水乾為度上以土築實封固火煨鍋通紅死砒脆
 白化成汁用砒一兩配前金液硫一兩共研為
 末攤於膏藥貼患處

汗斑神効方

黑芝麻撮

碱汁

半杯○按字書無碱字繫俗人所造正寫當作鹼字

將芝麻研細入碱汁煎數沸搽之即愈

扁鵲心書三卷及神方一卷宋紹興中開州巡檢竇材所集錄已嘗鋟板行世而歲久湮沒人間少有見者古月老人得之詫為奇書秘冊寶藏不啻在琅函玉笈中老人精醫理于古今方論剖析疑似指斥謬皆合軒岐正義遇危急之疾他人縮手告難老人治之徃々奏効年五十外又得此書嗣後治人痼疾益多奇驗沒後其子道周繼其業嘗手其書示余曰思欲重刊以傳於世而家貧乏力遲之十餘年竟不克刊

道周亦沒歷今又十餘年見其孫紀雲語及是書因出其祖手錄副本見示上有參論百餘條拾遺補闕可謂竇氏功臣第字句不無訛錯邊方亦有蠹蝕問前者所見原本則歸橫塘一藏書家余深以不得再見為歎又恐此本久亦湮沒不存爰加較勘即以參論諸條附註其下以付剞劂一以慰故人昔日見示斯編之意一以使奇方要訣流傳世上後人用之得以起沉痾而保天年為益甚無窮也回思數十年前與古月老人父子相晤語宛然疇昔事歲月如馳兩

人墓木已拱不獲親見是書重刊為可嘆也
老人名珏字念菴因姓胡氏故自號古月老人
乾隆乙酉二月丁丑朔紫陽山民王琦書

竇氏材生于宋之中葉而書中有河間丹溪遺
訛後世之語又鍾乳粉方下訾丹溪多服發渴
淋之說為謬又言製法見時珍本草何緣舉元
明人之書而及之其為後人增益無疑兼知是
編非竇氏原本矣仲景傷寒論古今奉為不刊
之典竇氏顧有指摘其未當者數條蓋由膠執
其詞未嘗融貫以參領其活潑之用致意見有

差池耳後人自當分別觀之能鑒其是更能正
其非判然不惑斯為善讀古書者

人稟陰陽二氣以成此身之內皆二氣所充
周也互以相生因以相濟而無過與不及之相
陵是以內外和平而無疾病有疾病者及是治
之者扶陽保陰各視其攸宜損之益之以期于
至當而無偏焉是書重在扶陽或者疑其不免
偏見然余嘗觀天地間日月盈虧寒暄遞運雨
暘時若草木盛衰而信陽常有餘陰常不足乃
造化自然之樞機若夫陽常有餘而芸生不厭

其有餘陰常不足而芸生不苦其不足以此悟
扶陽之理視保陰為尤要者亦本造化當然之
軌則竇氏之書以灼艾為第一餌丹藥為第二
用附子為第三傳此三法以為保命真訣洵千
古不磨之法何庸排訾其非哉其議論張王以
下六子也非務為好辯以矯異也序中已明言
學六子之書以調治小疾百發而百中特以數
十種大病垂危之證非其書中所載諸方可能
救療而別有救療之方而言也惟是藥與人有
宜不宜之殊方與證有對不對之異于古書能

善讀者又貴能善用苟僅能見其外之形似而
未能察其內之神機惘惘然執紙上陳言而嘗
試之一有不當人且乘其間而議是書扶陽之
法為誤而不可遵循矣嗟一扶陽正理何誤之
有因用者之不當而并咎昔人立言之誤吾恐
斯人之學亦誤于保陰之說天枉天下蒼生更
多而曾不自覺也可勝嘆哉二月十三日己丑
琢崖又書

雕板未竣或有阻余者曰陶節菴錄成家秘的
本戒其子勿以示人恐淺陋者妄肆詆譏子珍

是編什艱而歲之擇其人示焉可矣胡事鐫梨
刻枣以昭示于世不慮淺學之徒是非鋒起或
加塗抹而為是書瘡痍與余曰人心各異所見
不同于是書而非之或塗抹之如吾子所言固
有矣然豈無重之珍之更欲重刊之如古月老
人父子者乎昔華陀能割割積聚瀦洗腸胃其
方書焚毀不傳後人以為恨然使其書尚存恐
謂其誕妄不經者必多孰敢有信而用者今竇
氏之書寧獨異于華氏之書耶余幸其得存于
今也亟重刊之化一帙為千百帙冀其長留天

地間而不至漸滅無傳後人得之或有信而用
者以之起死扶衰通閉解結而反之于平則是
書實博施濟眾之良書其為有功於蒼赤豈少
哉彼執偏滯之見平居則嘖有煩言於扶陽之
理肆為排擊臨險證則袖手傍徨莫之能救其
學之優劣可一覽而知其言之是非曾何足為
重輕乎二月二十六日壬寅琢崖又書

尾山書

永力

